



**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**

RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1523/09

Banja Luka, 01.12.2009.

**SAVJET MINISTARA
BOSNE I HERCEGOVINE**

- putem Generalnog Sekretarijata

Predmet: Zahtjev za učešće predstavnika Udruženja u radu Interresorne radne grupe za strategiju i modalitete razrješenja stare devizne štednje kod Ljubljanske i Invest banke i uključivanje u zasjedanja radnih tijela zemalja potpisnica po Sporazumu o pitanjima sukcesije za zaštitu štednje pojedinaca u čvrstoj valuti

Poštovana gospodo,

Ovom prilikom se ne želimo baviti pitanjem stare devizne štednje u bankama koje su imale sjedište u Bosni i Hercegovine, a kada je u pitanju stara devizna štednja u Ljubljanskoj banci a. d. Ljubljana i INVEST Banci Beograd smatramo da bi u Bosni i Hercegovini moralo postojati apsolutno jedinstvo ciljeva vlasnika stare devizne štednje i vlasti u BiH, tako i njihovog djelovanja. Nakon proteka četrnaest godina od potpisivanja Dejtonskog mirovnog sporazuma Bosna i Hercegovina i njene institucije bi se konačno morale staviti u funkciju zaštite prava svojih građana, a ne, na žalost kao do sada, da inspiriše nedomicilne banke i vlast u Sloveniji i Srbiji da diskriminišu stare devizne štediške iz Bosne i Hercegovine.

Bili smo u prilici izvršiti uvid u radni materijal Interresorne radne grupe pod nazivom "Strategija i modaliteti načina rješavanja stare devizne štednje kod Ljubljanske banke, Invest banke i drugih nedomicilnih banaka" iz juna 2009 godine. Ovaj materijal, za razliku od velikog broja ranijih, sadrži i određene prijedloge na koje nemamo većih primjedbi. Smatramo da je Interresorna radna grupa učinila veliku pogrešku što u svom članstvu nije imala predstavnike Udruženja građana za povrat stare devizne štednje u BiH

i dijaspori kao punopravne članove ili što bar u metodologiji svog rada nije iskoristila mogućnost partnerstva i saradnje prilikom izrade navedenog materijala.

Interresorna radna grupa je postupila po oprobanom receptu noja koji zabija glavu u pijesak navodeći "da postoji više udruženja vlasnika stare devizne štednje". Cijelom javnosti u BiH, pa ipticama na grani je jasno da je Udruženje građana za povrat stare devizne štednje u BiH i dijaspori jedini legitimni reprezentant interesa vlasnika stare devizne štednje i da ovo Udruženje po svim kriterijumima, uključujući broj članova, visinu štednje i po ukupnoj aktivnosti predstavlja više od 95 % vlasnika stare devizne štednje. Ko istinski želi riješiti bilo koji segment problematike vezane za staru deviznu štednju svoju *bonna fide* namjeru će dokazati tako što će put do konačnog rješenja tražiti upravo sa legitimnim predstavnikom vlasnika stare devizne štednje, a to je bez iakve dileme i lažne skromnosti ovo Udruženje. Zato zahtjevamo da se naši predstavnici uključe u rad Interresorne radne grupe, ili da Interresorna radna grupa održi sjednicu sa predstavnicima Udruženja te da se nakon toga sačini revidirana Strategija i modaliteti načina razrješenja stare devizne štednje kod Ljubljanske, Invest banke i drugih nedomesticilnih banaka kao dokument sa potpunom podrškom svih u Bosni i Hercegovini. Jedinstvo stavova i djelovanja povećava šanse u konačni uspjeh, pa makar se to jedinstvo desilo nakon propuštenih 14 godina.

Isto tako smatramo da je neophodno predstavnike Udruženja građana za povrat stare devizne štednje u BiH i dijaspori uključiti u sve procese pregovaranja po Sporazumu o pitanjima sukcesije koji imaju veze sa starom deviznom štednjom. Mislimo da je naše prirodno pravo da budemo uključeni u pregovaranje o našim parama, našoj štednji. Čak i u slučajevima koji na prvi pogled nemaju direktne veze sa starom deviznom štednjom u suštini se radi o imovini bivše države koja potiče od stare devizne štednje. Činjenica da bi se sljedeća runda pregovora trebala održati u martu 2010. Godine u Bosni i Hercegovini je izuzetna prilika da se i predstavnici ovog Udruženja, kao članovi delegacije BiH ili bar samo kao posmatrači uključe u rješavanje za nas životnog pitanja.

U uvjerenju da će naši opravdani zahtjevi biti prihvaćeni unaprijed se zahvaljujemo.

S poštovanjem,

Za Upravni odbor

Predsjednik

Svetozar Nisic



Dostavljeno:

1. Jose Manuel Barosso, the Presidency of the European Commission
2. Thorbjørn Jagland Generalni sekretar Savjeta Evrope;
3. Tomas Hamerberger, Komesar za ljudska prava pri Savjetu Evrope
4. Jan-Paul Costa, predsjednik Evropskog suda za ljudska prava
5. Parlamentarnoj skupštini BiH;
6. Vladi Federacije BiH i Vladi RS;
7. OHR-u i
8. Medijima